

# KRIVIČNA DJELA POČINJENA IZ MRŽNJE I POTICANJE NA MRŽNJU



## PRAVNI OKVIR

Sva tri krivična zakona: FBiH, RS i BD BiH prepoznaju institut krivičnih djela počinjenih iz mržnje.

Od 2017. godine Republika Srpska je prva administrativna jedinica u BiH koja reguliše poticanje na mržnju, govor mržnje i nasilje prema LGBTI osobama, ali i drugim marginaliziranim grupama u BiH.


Krivični zakoni FBiH i BD BiH također sadrže odredbe kojima se sankcioniše poticanje na mržnju, govor mržnje i nasilje, ali su nažalost ograničene isključivo na zabranu izazivanja mržnje i poticanja na nasilje na nacionalnoj, etničkoj i vjerskoj osnovi.



## INSTITUCIONALNO DJELOVANJE

U periodu nakon najave Prve bh. povorke ponosa pa do trenutka njenog održavanja, desila su se dva napada na dva lezbejska para. U oba slučaja napadač je bila ista osoba, koja je fizički napala, zastrašivala i uznemiravala jedan par, dok je drugom paru prijetila.

Napadač se na kraju teretio za 2 prekršaja prema Zakonu o prekršajima protiv javnog reda i mira FBiH, te je mu je izrečena sankcija od 1000KM. Nažalost, ovo djelo nije ni razmatrano kao krivično djelo počinjeno iz mržnje (u krivičnopravnom smislu), odnosno, kao krivično djelo koje za otežavajuću okolnost ima činjenicu da je motivirano predrasudom, u ovom slučaju, seksualnom orijentacijom i rodnim identitetom žrtava.



## DOKUMENTOVANI SLUČAJEVI


SOC je 2019. godine dokumentirao 105 slučajeva govora mržnje i pozivanja na nasilje i mržnju te 16 slučajeva krivičnih djela i incidenata motivisanih predrasudama na osnovu SORI-ja.

Od 16 slučajeva, dvanaest se odvijalo na javnom mjestu i/ili u online sferi, a varirali su od prijetnji do nasilja i nanošenja tjelesnih ozljeda.

Počinitelji\_ce u ovim slučajevima većinom nisu lično poznavali osobe kojima su prijetili\_e ili koje su napali\_e već su ih prepoznali ili pretpostavili da se radi o LGBTI osobama.

## STATISTIKA ZABILJEŽENIH SLUČAJEVA

Prema tipu krivičnog djela počinjenog iz mržnje, od 16 slučajeva najviše je bilo prijetnji (7), a prema osnovu krivičnog djela, u 15 slučajeva to je bila seksualna orijentacija, a u jednom slučaju i seksualna prijentacija i rodni identitet.



Budući da se 2019. godine održala Prva bosanskohercegovačka povorka ponosa, do sada najmasovnije javno okupljanje u borbi za jednak položaj i jednako uvažavanje prava LGBTI osoba, kao posebno zabrinjavajuće tendencije, pojavili su se porast prijetnji i nasilja na javnom mjestu i/ili online sferi/društvenim mrežama, koji su se utrostručili.